

UN TOURO E MAIS EU

A sorte a veces está más cega que unha toupeira. E si un comeza por percutrala e se esforza por dar con ela en calquera banda, tanto foxe d-un, que morre de vello sin recibil'as suas caricias; mais si trata de despreciala e de non facerlle caso, cando se descoida dá un tropezón e cai enriba d'ela c-os fociños.

Hai quen dice que é femia, e sendo femia, xa se sabe que ten que ser un bandalho como moitos que por ahí andan. De maneira que convén non importarse d'ela pranada; deixala andar por ahí, que si ten de vir, o día que menos se pense aparece diante d'un, como nos aconteceu fai pouco a un becerro y-a míñ.